



SAOPŠTENJE ZA MEDIJE

dm iz predostrožnosti povlači proizvod **dmBio biber, crni, cijelo zrno, 70 g**

Rokovi trajanja 09/2025 i 11/2025

Sarajevo, 15.12.2022. - S ciljem zaštite potrošača, dm drogerie markt d.o.o. **iz predostrožnosti povlači proizvod dmBio biber, crni, cijelo zrno, 70 g.** Riječ je o proizvodu s rokovima trajanja 09/2025 i 11/2025. Povlačenje se ne odnosi na druge proizvode iz dmBio asortimana. **Rok trajanja može se vidjeti na poleđini pakovanja.**

Razlog povlačenja jeste da je prilikom vlastite kontrole proizvoda zaključeno da se ne može isključiti mogućnost prisustva salmonele u navedenom proizvodu. Unos namirnice zahvaćene salmonelom može izazvati dijareju, bolove u stomaku te povremeno povraćanje i blago povišenu temperaturu. Po pravilu navedene tegobe nakon nekoliko dana prođu same. U slučaju težih i dugotrajnijih simptoma potrebno je posavjetovati se s ljekarom.

Sve kupce koji su već kupili navedeni proizvod dm poziva da ga prestanu koristiti te da ga, korištenog ili nekorištenog, vrate u njima najbližu dm prodavnicu gdje će dobiti povrat novca i bez predočenja računa.

„Kvalitet proizvoda i sigurnost kupaca za dm je od velike važnosti. Žalimo zbog ovog događaja i našim kupcima se izvinjavamo se zbog nastalih neugodnosti ali i zahvaljujemo na razumijevanju“, poručili su iz dm-a.

U slučaju dodatnih pitanja, molimo Vas da kontaktirate odjel Nabave dm drogerie markt d.o.o., putem telefona: 033 778 300.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 16 godina dm se pozicionirao kao vodeća kompanija u kategoriji drogerija sa više od 1.000 zaposlenika i 85 prodavnica u 45 gradova te distribucijskim centrom u Sarajevu. U poslovnoj godini 2021/22. dm je u Bosni i Hercegovini ostvario promet od blizu 273 miliona KM. Asortiman dm-a obuhvata više od 14.400 proizvoda etabliranih svjetskih i domaćih proizvođača, među kojima je 28 dm robnih marki kao što su Balea, alverde, Mivolis, trend !t up, Denkmit, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

Saopštenja za javnost na raspolaganju su Vam na <https://www.dm-drogeriemarkt.ba/preduzece/pr-i-mediji/saopstenja-za-medije>, a arhiva fotografija na <https://www.dm-drogeriemarkt.ba/preduzece/pr-i-mediji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Director, agencija McCann

Tel: 033/267-121, e-mail: alena.kulenovic@mccann.ba